



8143

kat kcm

Augustianie



8143

AUG.

CONCLUSIONES
THEOLOGICÆ

QVAS

ADMODUM REVERENDO PATRI

PETRO

PIAGGIA,

Collegii Cracoviensis Scholarum Piarum

RECTORI,

Cum gratulatione Divi illius Patroni

NUNCUPATAS

STUDIIUM THEOLOGICUM

Publicè exposuit propugnandas.

III. Kalendas Julii MDCCLVI.

C R A C O V I Æ

Typis Michaëlis Dyaszevski, S. R. M. Typographi.

Cum gratia tantā referri non potest, quanta debetur, habenda tamen tanta est, quam maximam animus capere potest. *Cic: Philip:*

Nullum est nec sincerius, nec acceptius genus gratiarum quam cum illas acclamationes æmulamur, quæ fingendi non habent tempus. *Plin: Panegyri:*

Aug. 8143

1957 D 88 St. Dr.

Lib. Jod.



D I G N I S S I M E
C O L L E G I I N O S T R I
R E C T O R.

NEc utilior alia Theologia pars, nec tempus quo
tractanda publicè susciperetur opportunius, nec
Auspex & Patronus, à quo tali doctrinae nostrae
tractationi decus & praesidium, optabilior Te ho-
derno die potuit contingere. Ita enim haec conspirant simul
omnia, ut quam hujus exercitationis publicae, celebri hac
Ornatissimorum Hospitum frequentia, Theologicum nostrum
(a2) studi-

studium audet facere Tibi, eo, quo par est, cultu & observan-
tia, dicationem, cum solemni gratulatione dici Divo Tui No-
minis Indigeti Sacra conjunctam, eam non modo ex animo &
studio susceptam, sed etiam quadam felicitate nostra, decre-
tam esse, sit existimandum. Nam in primis ut de aliis, de qui-
bus jam abunde suis temporibus dictum est, mentionem nul-
lam faciamus, sola legum doctrina qua earum natura & si qua;
qua pertineant ad eas penitus pernosendum, atq; adeo quod
necessario consequitur probe servandum, prorsus obscura &
nec omnino clara sint, ut ab omnibus possint clarè vi-
deri, in bono lumine ponuntur: nullā alterā in Theologia est
fructu inferior: superior verò bene multis & talibus, qua-
rum ignoratio facile difficilēve condonanda tamen; hujus
verò, homini ad societatem non quancumq; nato, sed eam, cu-
jus ipse pars & teneatur legibus, & communi felicitate o-
mnium, qua una societati proposita hominum, potiatur, nullo
sit modo condonanda. Pleraq; enim disciplina, ut ad excolen-
da & acuenda ingenia, ad exornandos scientia rerum ani-
mos, propterea prosint multum, quod rerum consideratio &
contemplatio sit quasi naturale quoddam pabulum animo-
rum, tamen nihil nē jucunditatem quidem & delectationem
in commune bonum possunt asferre. Legum verò naturæ in-
telligentiā, æquē fere ac auctoritate magistratūs, bonos in officio
contineri, malos in ordinem redigi, turbas & dissensiones ca-
veri, leges ipsas servari, tranquillitatem firmari, ex qua be-
ne magnam felicitatis partem pendere, probari necesse non
est. Neq; verò inde etiam, his deteriora singillatim in unum
quemque commoda proficisci, Num? teneri se lege, necne du-
bitatio

bitatio parum perturbationis offerat? num̃ ē metus & solitudo sua se opinione decipiendi & perdendi, minus etiam de valetudine vel tranquillitate animi deminuat? at huic pernicioſa agritudini unum remedium, legum naturam & conditionem rectē perſpexiſſe. Ex quo, quod caput ad beatē vivendum eſt, ſecuritas & tranquillitas exiſtit animorum. Iam verò ipſas civium ſingulorum fortunas cognita vi legū in tuto poſitas eſſe, eādē verò ignoratā, illarum poſſeſſiones, aut perversa interpretatione excidere, aut vi deturbari, aut ſi tantum animi eſt, eādē ſe oportere vi defendere ac tueri. Si me inſtituta brevitās omnium ordinum homines, omnia eorum officia, ſoris & domi, pace & bello, omnia eorum munera, ſacra in Eccleſia, civilia in Republica percurrere pateretur, in his omnibus palam fieret, ignorare legum naturam, ſummam eſſe & privatim & publice perniciem, contra verò noſſe omnem & ſolam felicitatem. Quam qui nesciat, eum etiam humanæ ſocietatis indolem, quæ tota in legibus poſita eſt, nescire credendum, gnarum verò in humana ſocietate etiam totum quantum inſit boni non latere. Tanta & talis cū ſit legum doctrinæ cū dignitate conjuncta utilitas, gratiſſimum & honeſtiſſimum nobis eſt, tuum ei comparafſe auſpiciū, qui de ejus fructu & præſtantia ſapienter judices ac decernas. Quando quidem vero magis nihil convenit, quàm excellentem rem, non minore excellentia Viro offerri, quod utriuſq; dignitas, fiat hoc pacto amplior & maniſeſtior, atq; publica utriuſq; exiſtimatio longè magis augeatur, nobis hoc ex ſententia accidiffe latamur. Non humili quippe propter rei ſubjecta argumentum diſputationi noſtræ, magnæ
etiam

etiam propter eos, qui partes, pro sua, qua sunt, humanitate,
susceperunt nobiscum differendi, magna Tui dignitate sit splen-
doris accessio, quæ aliunde etiam Tuarum cresceret magnitu-
dine laudum. Harum enim bona pars literæ atq; eruditio &
optimis versandis doctissimi virorum monumentis, & in-
genic suâ naturâ summe perspicaci, & aliis multorum an-
norum spatio in eisdem cum laude instituendis abunde com-
parata, esset non mediocris presentis argumenti nostri amplifi-
catio, si per modestiam Tuam liceret, posse enim licere confi-
deremus. Nam nobis etiâ tacentibus, quod de omni scientiarum
genere, Philosophiâ, Theologiâ, alios differere libenter audias,
& ipse de iisdem, quarum eximium cum non mediocri Tui
commendatione Professore egeris, per quam eruditè differas,
Te scientiarum laude præstare, & earum eruditione oblectari,
ipse non obscure declaras. Proinde excusatos nos benevolè ha-
bueris, si quæ Tu ipse, licet velis & contendas, celare nequeas,
nos etiam imitatione Tui palam prædicemus. Quando illa præ-
terea illustriū rerū conditio est, ut nullo pacto obscuræ delitescant, sed emi-
neant necessario, & omnium oculis ac sermone usurpanda proponantur. Atq;
idcirco Tua eximia merita & virtutē, quibus voluptate afficiuntur omnes
boni, illustratur Ordo & Provincia, cōmendatio & amor passim conciliatur.
si celebrare contendimus, non aliud quid causæ est, quàm cum præclare age-
re, Tibi honorificū duxeris, præclara à nobis etiâ dici de Te oportere. Ipsa
nāque quoddā necessitate sit, ut ista Tua moderatione tū in expetenda glo-
ria, tum in prædicatione Tui defugienda, aut potius animi magnitudine
in despicienda, quæ quidē una virtus adeo latè patet, ut sine ceterarū o-
mnium, quasi quoddā concursu, eam comparare prope incredibile sit, immorta-
le laudē merearis. Quod si ea virtute florere præstabile est, quæ privatim
ornat hominē, quanto præstabilius, iis præditū esse virtutibus, propter
quas præter honorē & reverentiā, gratū etiâ animū alii Tibi debeant.
quod quidē ego in Te, ut præterea, tamen pro me locus hic, & complures
loquun-

loquuntur anni, quibus Collegio huic regēdo eā sapientiā præs, ut nihil omnia, nisi quod cum Tua sūma prudētia, facilitate, sollicitudine sit conjunctū, spirent & prodāt, & qui Viris hujusmodi præs, quorū in Ordine præstantissima merita, sunt multo clariora, quā cūjusque, si de illis esset dicendū, quātūvis splendida oratio, non indignū manifestō ostendunt. Sunt hoc in Collegio, & fuerint, non ad temporis diuturnitatē aliquā, sed ad perpetuā hominū memoriā, ea Tuorū monumenta laborum & curarū, quorū alia funditus fere Tua, qui habitaverint, docebūtur & cum iis consequētes anni, omnē Te vitā tuā, non Tibi soli, sed Ordinis, Provinciæ, sed Domus hujus cōmuni bono vivere, aliisq; esse utilē, unicē studere. Verum enimvero, quoniā hæc, pauca quidē ut diceremus, fecit tempus opportunū, ut multo plura prætermitteremus Tua singularis modestiā, cui graves esse non possumus, nunc saltem eadē temporis opportunitatē utemur, ut in hoc nostro, quod si ex sua, aut ex Tua dignitate spectetur, sane exigū, si ex nostris omnium animis, aliquātō majus, erga Te officio, cum gratulatione nominis voluntatū nostrarū testificationē, per progressum in his studiis, qui magnā partē Tuis curis debentur, præsentē dicationē conjungamus. Utriusq; proinde officii hæc summa: nos Tibi precari & optare, ut revera ex animo optamus & precamur omnia ex voto, non tātū idcirco, quod Tibi cara & jucunda sint, sed quod illis Te effeceris dignissimum, aut potius nobis, Provinciæ, & huic precamur Collegio, ut quoniā immortalem Te, quē nūquā mori vellemus, habere non possumus, gaudeamus tamen in plurimos annos incolumi & fortunato. Hæc tibi, hæc tuorū meritorū magnitudini, hæc summis dignitatibus, quæ Te in Provincia manent, hæc deniq; ardentissimis desideriis nostris deberi.



1841. Jag.

Biblioteka Jagiellońska



stdr0026622

